

University in Lungsim Khel



DRC | April 4

Malembe Tatasi Fils

Tu quarter sunga nasep te lakah khat pen Democratic Republic of Congo gam, Lubero khua-a Adventist University of Lukanga ah nursing sang khat bawlna ahi hi. Hih lai ah University makaipi Dr. Malembe Tatasi Fils in University tungtawnin a nuntakna uh a kikhel mite' tangthu thum pulak hi.

Nasia Takin Kidemna

Nungakno khat pen Christian hilo leitung biakna lianpi khat pan hi-a, a pa' deihsakna tawh Lukanga Adventist University ah min pia hi.

Ama'n Khristian pawl tuam tuamte a kan' khitciangin Adventist te pen a upna uh zuihna ah a citak pen hi ci-in a ngaihsut manin tua University a teelna thu a gen hi. Ahi zongin, "SDA sang khat ah na kah hangin, SDA suak ding cihna hilo hi," aci hi. Numeinu in SDA Pawlpi thu hilhnate kannopna lungsim tawh University ah a tung hi. Saang pi ah kha lam thapiakna nipi kaal kikhop a neih lai-un, thu kigente in a lungtang lawng a, pawlpi lut dingin khensat hi. A pa' theih loh-in 2024 kumin tui-phum kikhin hi.

"Ama'n tui-phum a san khitna thu a innkuante kiangah gen lo hi,"

ci-in Dr. Malembe in gen hi. "Ama in apa tawh kiselna nasa mahmah khat nei dingin lamen hi. Ama in thungetna deih hi."

Naupaai Nupi Khat

Naupaai nupi khat sangpi tawh kizom lupna 52 a omna zato ah kisit dingin hongpai hi. Zato ah nau-etna (ultrasound) tawh a ki-etna panin ta peeng nei ding cih thei khia hi. Lamdang sa mahmah hi. A pasal in taisan a, naupang khat bek hi lo-in naupang nih amah kia in a vak kul ding hi. Tua zato ah cinate, nasem te, le khua sung mi dangte adingin zingsang in biakpiakna bawlsak den uh hi. University sangnaupang khat in zing simin biakpiakna ma kaih a, tua khit ciangin zato panin a siangtho moh hawmkhia hi.

Nupinu in zingsang kikhopnate nuam sa hi. Sangnaupangte in zato ah nipi nih sung lungdamna thu hilhna tuam vilvel khat kibawl a, amah kikhopna khempeuh ah pai hi. Pasion' Kammal in a lungsim lawng a, tui kiphum hi.

Asawtlo-in tapeeng a suak hi. A pasal in tapeeng a neihna thu a zak ciangin, a zi zong dingin hong pai hi. A nusiatsa numei pen na piang thak ahih manin lamdang sa hi. Zu dawn le citaklo numei khat sangin,

a lungsim khem peuh tawh Pasion a it, zu dawnlo nu khat a mu hi.

Ama in Dr. Malembe kiangah, "Ka zi tungah hih bang kikhelna lianpi ka muh ciangin lamdang kasa mahmah hi. Na thuhilhinate ka zui nuam hi," ci-in a gen hi.

Tu-in amah, a zi le kha sagih a pha a tapeengte tawh Adventist biakinn ah na kikhawm hi. Dr. Malembe le midangte in amah zong a zi bangin Zeisu kiangah a lungsim a piak nadingin thungen uh hi.

Dawilut Sangnaupangpa

Tangval khat Pasion thu sin ding le pastor suah ding lunggulh mah mahna tawh university ah tung hi. High school a kah lai-in SDA pawlpi ah na lut khin hi, ahi zongin a innkuante in a gelnate nakpi-in na nial uh hi. Amaute in amah zatui lam siam khat suahsak nuam uh hi. A sangkah nadingin kuamah in huhlo uh hi. Amah kia a om ahi hi.

Tangvalpa in university ah kongcing nasep ngah a, a laisin na sum kicing a ngah nadingin kum nih sung nasep a sem hi.

Sangnaupang ahih khith sawt lo in amah cina hi. Ama'n bangmah phawk zolo bang a, koi lam zuan hiam cih kithei loin campus sungah vakvak hi. Lungkia in, a laisinna tawpsan ding a ngaihsun hi.

A innkuante in amah daw mat hi ci-in pulak uh hi. "Bang hang cihleh amah pastor ding hilo in,

zatui lam siam mi ahiding geelna nei ahihman hi" ci-in gen uh hi.

University zato-a siate in amah sit uh a, zatui tawh bawl theih ding a hoihlohna bangmah mulo uh hi ci-in gen uh hi.

"Hih pen khalam thu hi," ci-in gen uh hi. "Theology department-a om khempeuh in amah thungetpih hi." Theology department pan sia le sangnaupang 27-te Thursday ni-in kikaikhawm uh a, thungetna hun khentuam khat nei uh hi.

Sangnaupangpa adamta a, a lungsim a ngei bang kik hi. Tu ni-in amah university pan sang zo khin a, pawlpi pastor sem ding in sapna ngak laitak hi. "Ama pen kampau siam mah mah khat ahi a, pawlpi adingin nasep thupi tak a sem ding hi ci-in ka lamen uh a, ka um uh hi," ci-in Dr. Malembe in gen hi.

Tu quarter sungin, Lukanga Adventist University ah kipuak ding hi. Nursing sangnaupangte in amau thukancianna neilo ahih man in clinic-a laboratory lam nadingin kizeek ding hi.

March 18, 2001 in gam sung a omthautawite Adventist University of Lukanga lut uh hi. Sangnaupang le sangsiate kimkhat man uh hi. Hih university in thu khun man lopi tawh nangah uh hi, ci-in kihemkhia ding sawl uh hi. Hih university in 1965 panin kihong sang ahihna, makaite in gen na nei uh a, Topa ompihna tawh buaina veengthei hi.

Leitangh Nihvei Kilei



DRC | April 11

Africa gam a Seventh-day Adventist university khat adingin khimzin ni khat suak hi. March 18, 2001 ni-in, Democratic Republic of Congo gam sung Lubero khua-a om Lukanga Adventist University tualpi sung ah thau tawi galkap-te hong lut hi.

Tua a lut te pen ukpite, khua-hausate, le beh-upate in a makaih, gam khenkhat a laksak thautawi pawl khat ahi Mai-Mai pawl sungah a kihelte ahi uhi.

Mai-Mai kici min pen Swahili pau-ah tui a kici maji pan a kiphuan ahi hi. Galkap pawl te in thau tang pan a kidalna dingun tui kibuak uh hi.

Mai-Mai galkapte in Lukanga Adventist University ah nasemte bawlsia-in sangnaupangte sim uh hi.

Amaute'n sangnaupang thum man uh a, galkap dangte'n na

ngakna uh Nyarusunzu mual tungah paipih uh hi.

Amaute'n sangnaupangte thu dong uh a, university in a gam phalna om loin a ngah uh hi ci-in gen uh hi.

University pen 1999 kum in, kum thum bek a kiphut khit himahleh, Adventist Pawlpi in tua leitangh pen kum sawm tampi sung a neihsa ahi hi.

Zaire Union in 1965 kumin tua mun ah numei pasal kigawm a kisinna sang Institut Adventiste de Lukanga kici khat phuan a, sangnaupangte'n a beisa kum 36 sung tua mun ah lai sin khin uh hi.

Thudotna hun sungin, Mai-Mai galkap khat in sangnaupang thumte naai takin thau tawh ngat in kap ding vau hi.

Tua khit ciangin Mai-Mai galkapte kikal ah kiselna khauh mahmah piang a, buaina nasia takin piang hi.

Tua bangin a buai laitak in, khua hongphia in guah tampi hong zu hi.

Mai-Mai galkapte, tui kibuak na in thau tang pan dal zo hi ci-a a upna uh phawk in, guah lak ah din ding utlo uh ahih manin kikhen khia uh hi.

Sangnaupang thumte suakta uh hi. Tuni dongin, mi tampi in tua sangnaupangte' nuntakna a hotkhiat nadingin Pasion in guah a zuksakna pen Pasion' tungah lungdam ko uh hi.

Ahih hangin tangthu bei nailo hi. March 18 thupiangte le leitangh tawh kisai ngetnate hangin gamuk lui pa innkuante in Adventist university in amau' leitangh phalna om loin lua hi ci-in pulaak uhi.

Mi tampite' aw kiko'na lakah, university in dinmun daih sak nadingin kalsuanna te nei hi.

2001 May kha, mualtung thupiang khit kha nih khit ciangin, Seventh-day Adventist Pawlpi in innkuante tungah leitangh man a nihveina piakdingin thukim uh hi.

Kilemna a vawh kik tua thu kimna in, pawlpi in tua neihsa mah nihvei a pia cihna ahi hi.

Tua gam pen ama a nih vei hi kici thei hi.

Pasion in mihingte ama a hi ci-in nih vei hong gen thei hi.

Ama in mihingte piangsak a, mihingte a tankhia hi. 1 Korin

6:20 in, "Note pen Pasion in a hong leisa na hih manun na pumpi uh Pasion' minthan'na dingin na zang un" ci-in gen hi.

University in gam tungah, "Nihvei kei' a nahi hi," a cih theih mah bangin, Pasion in zong ei tungah, "Nihvei kei' a nahi uh hi," ci-in genthei hi.

Lukanga Adventist University ah nursing sang pen 2012 kumin kihong a, gam sungah hih bang sang a masa pen ahi hi. Tu-in kum khatin nurse 200 kiim in sang zo khia hi, cih kimu thei hi.

Hih Sabbath 13na Sumpi in, Quarter simin Nasepna Geelna Sumpi zong kici, na piakna tawh Lukanga Adventist University tangthu ah na kihel thei hi. Tu laitakin, nursing sangnaupangte in amau' thukan nadingin university zato-a laboratory neu zang uh hi. Hih quarter sung biakpiakna sumpi in university ii nursing sang ading inn khat lamna ah panpih ding a, tua inn sung ah a sinna muntuam nga ading laboratory lian zaw te a omna ding sang inn khat lamna ah huhna hi ding hi: damlo tuam tuamte kepna, nau neihsakna, limlakna, laboratory nasep ziate, le naupang damlote kepna cihte hi. Hih nasep thupi tak adingin phal takin na piak manin kilung dam mahmah hi.



A Siangtho Thuman Zong Kawikawi

DRC | April 18

Safi

Thugen siapa in Seventh day Adventist Pawlpi in a bei baang pawlpi hi, ci-in thu hilhna nei hi.

Banghang hiam cihleh Seventh-day Adventist pawlpi in Pasion Kammal bangin a kalsuan pawlpi hi; hih bang thu a zak ciangin, Safi in um zo taktak lo hi.

“Koi bangin hih pawlpi ka lut thei ding hiam? ci-in a ngaihsun hi. Safi a khatna in “siangtho” cihna hi.

A min zui-in Safi in lungsim siangtho, kampau siangtho bek deih hi. A diakdiakin la hoih nono, Pasion phatna late bek sa nuam hi.

Safi in Kinshasa, khuapi sung biakinn tuamtuamah Pasion phat na lasa-in a pai kawikawi hi. Kinshasa in Congo gam khuapi hi.

Ahi zongin a kisapna khat a nei hi. Tua bangin a pai-na biakinn te-ah lasak ciangin mipite, khangnote awng gawp kuu gawp uh hi; tua bangin Pasion phatna deih lo hi.

Hih bang biakpiakna lakah a kism khat om hi, cih a thei hi. Hih biakinnte in Pasion zahtakna nei lo hi, cih a mu hi.

Ama biakinnah tua bangin Pasion kibia lo hi; Pasion zahtakna kinei hi. Ahi zongin lungkimna amu thei tuan kei hi. Tua hi-in lungkimna a ngah nadngin Pasion tungah thungen hi.

Biakinn pai ding a ngaihsun nawn kei hi. Thuman thutak a zui pawlpi amuh nadingin thu a ngen ngen hi. Ni khat Saf in YouTube tunga thu kigente a ngaikha hi. Tua thugen siapa in a beibaang pawlpi cih khat a pulaak hi.

Contact dingin ngaihsun in, facebook tung tawnin kizopna a bawl thei hi. “Seventh-day Adventist Church” ci-in a zong hi.

Tua bangin a zonna panin kizopna khat a mu thei hi. A tawpna-ah Seventh-day Adventist te biakinn ah kikhawm thei ding dinmun hong tung hi.

Seventh-day Adventist te biakinn ah kikhawm dingin hong pai

thei a, hih pawlpi in dai hitiatin Pasion a bia uh hi. Aawng ngeingai cihte om lo hi. Pasion zahtakna a nei uh hi.

Biakpiakna khempeuh in limtakin a kigeel angin khat khit khat zangto uh hi, cih amu hi. Sabbath ni ciangin naupang, khangno, uham cih angin a khen tuamtuamin thusinnate zong a nei uh hi.

Seventh-day Adventist te biak inn ah hong tun khit a kipan lungnopna khat a ngah thei hi.

Sabbath ni hong tunkik ciangin ama tawh kinai penpen Seventh-day Adventist te biakinn ah kikhawm dingin hong pai thei hi.

Hih pawlpi in zong kha khat sung Pasion thugenna nei uh a, hih thugennate-ah nitak khat khit nitak khat a va kihel thei hi.

A thu ngaihte zong zaknopsa mahmah hi.

Thugen a kizawh ciangin tui kiphum dingin min a pia hi. Safi in Adventist Pawlpi mi a hong suak hi. Facebook tungtawnin Seventh-day Adventist pawlpi mu thei ahi hi.

Tu-in a beibaang pawlpi mi khat a suak thei hi. A ngaihsutnate

siangtho-in, Pasion min phatin nuamsa hi.

Pasion in kizopnate tungtawn in Ama thuman pulaak ahihna zong kimu thei hi. “Hih ciang ka tun theihna in Pasion hong hehpihna hi,” ci-in Ama min a phat hi.

Tu quarter Sababbath school 13na sumpi in Congo gam Hope Channel aa dingin kizeek ding hi. French pau tawh thuman tangkona kinei a, Safi pianna khua Kinshasa mite in a nungta Pasion thu theih telna a ngah thei ding uh hi.



Safi, veilam pan nihna, Democratic Republic of Congo, Kinshasa khua-a Hope Channel leh AWR te'n a zat studio sungah Adventist Mission tungah a tangthu gen dingin kiging hi.



A Lauhuai Ganhingte

DRC | April 25

Dieudonne

Dieudonne in Pasion aa dingin lawp takin nasem khat hi. Ama nasep in university tuamtuamah pai kawikawi-in Pasion thugenna nei hi.

Tua bangin a pai-nate-ah lawhcing mahmah hi. Ahi zongin kum 68 hong cin ciangin Seventh-day Adventist thu zui mi laibu zuak khat in a innah laibu zuakin hong pai hi.

Hih laibu zuakpa in “Ka biakinn vuah Pasion thugenna om hi, hong kikhawm in’ ci-in a zawn hi.

Dieudonne le a zi zong hih kikhopna-ah hong pai uh hi. A muh ngei loh lim tuamtuamte, sapi limte amu thei uh hi. A nupa-un lamdangsa mahmah uh hi.

Hih limte in bang hi peuhmah hiam? ci-in a nupa-un a lungmang mahmah uh hi.

Sapi lim tuamtuamte amuh ciangin a zi in a lau-dan a pulaak

hi. Tua bang limte ka mu ngei kei uh, ci-in pulaak hi.

Tua ahih manin Seventh-day Adventist pawlpi gen thute in a man taktak mah hi ding hiam ci-in a ngaihsun uh hi. Hong khem uh hi mai hi dng hi,” ci-in a nupa-un a kikum uh hi.

Kikhopna pan ciah dingin a kithawi uh ciangin Dieudonne in a zi tungah “Lau kei in” ci-in gen a, thugenna tawm vei hong ngai lai ning,” ci-in tawl khat khith ciangin a zi a ciah hi. A zi zong ciah hi.

Tua bangin nitak khat khith nitak khat thungai dingin hong kikhawm uh hi. Dieudonne in tua thute a lim ngaih mahmah hi.

Thugensia-pa in Daniel le Mangmuhna bu sunga limciinnate amuh ganhingte in bang deihna nei hi ding hiam cih a theitel zo kei hi.

Amah in Pasion thugenin a om zawh kum tampi cing khin hi. Ahi zongin Daniel le Mangmuhna

Thubu pulaak thute a tel thei mah mah kei hi.

Ahi zongin Pasion a theihtelna tungtawnin a nunzia kikhelna amu thei hi. Luke 24:1 a sim ciangin a nunzia kikhelna amu thei hi. “Tu-in nipi kaal sungah ni masa pen ni zingsang tungin” cih thu amu hi.

Dieudonne in ama ngaihsutna-ah ni masa ni pen Monday ni hi ding hi, ci-in a ngaihsun hi.

Tua hi-in Pasion thukham a zui mah hi, ci-in a kingaihsunsun hi.

Paikhiatna 20:8–10 in a pulaak bangmahin “Sabbath ni a siangtho-a zat ding phawk in. Ni guk sung note na nasem ding uh a, a ni sagih in note Topa Pasion Sabbath ni hi.

Tua ni-in note in bangmah nasem kei ding uh hi. Tu-a kipanin Monday ni hi loin, Sunday ni in ni masa pen ahihlahm theihna a ngah thei hi.

Tua ni a kipan Saturday ni, Sabbath hi, cih upna nei-in Sabbat ni hong tun ciangin a tawlna hi.

Thugenpa in tuiphum nuam khempeuh min kaikhawm a, Dieudonne zong Sabbath ni tawlna dingin a khensatna a nei theipah hi.

Nidangin tui kiphum ngei khin a, ahi zongin Seventh-day Adventist pawlpi thupuak thuman

a theih a kipanin hih thuman sungah a nungta nuam hi.

Seventh-day Adventist pawlpi-ah tui kiphum dingin a khentat hi. Tua Pasion thugenna-ah nitak khat khit nitak khat thungai dingin va pai den hi.

Pasion thugenna kizawh khit ciangin Dieudonne in tui kiphum dingin a min va ap thei hi. A theih thute a zi tungah zong a pulaak hi. A zi in zong Sabbath thuman a sang thei hi. A nupa-un tui kiphum uh hi.

Dieudonne in a innkuanpihte tungah Sabbath thuman a pulaak hi. A tate, a tute zong tui kiphum ciat uh hi.

Tu-in Dieudonne in Topa aa ding lawpna lianpi a nei hi. A nasepna university ah zong Sabbath thuman a gen kawikawi thei hi. A kimuh peuhpeuh tungah hih Sabbath thuman gen loin a om thei kei hi.

Tua bangin a genna hangin mi 20 bangin tui hong kiphum uh hi. Congo gam in Africa sungah a gol penpen gam khatin kiciamteh hi. Dieudonne omna pawlpi in Kinshasa khuai-a om Adventist Clinic tawh kizopna nei hi.

Tu quarter Sabbath School 13na sumpi in Kinshasa khua om Zato puah nadingin kipuak ding hi.

Nasep Kipatna pan Kikhelna



DRC | May 2

Julia

Julia a kipia nasep a sang zo kei hi. Journalist sem dingin kigen a, am ut hi lo hi. AWR ah tawl khat sung journalist sem hi.

Hope Channel a nasem makai khat in Julia tungah “Hih nasep nasep nopleh lampi kihong hi; va siau in’ ci-in kisawl hi. Hope Channel le AWR in Kinshasa khuapi inn khat sungah om hi.

Julia in a sangkahna panin a zo ding hi ta hi. Tua nasep la leh ama aa dingin a hoih mahmah nasep hong suak ding hi.

A sangkahna-ah zong journalism tawh kisai major tawh a sin hi. Tawl khat khit ciangin nasep siau dingin interview nei ding va pai hi.

Interview zo thei a, kha kua sung sem dingin thukimna minthuhna zong nei hi.

A thuzakte limtakin ciaptihin radio panin suahkhiat dingin a geel hi.

Radio tawh thugente in Julia lungsim lawngkha mahmah hi; amah pen SDA upna nei lo khat hi mah taleh pawlpi thu upnate thumansa thei mahmah hi.

AWR in pawlpi church pastor in makaihin manmanin Pasian thu genna kinei hi. Midangte aa ding thungetna zong limtakin kinei a, hih thute hangin Julia in tha ngah mahmah hi.

Pastor in Julia aa ding thunget na a neih sak ciangin a lungdam pha mahmah hi. Pastor pa thunget bangin kuamah in thu a ngetsak ngei nai kei hi.

Ama kikhopna ngei biakinnah a kikhawm mite in thu a nget uh ciangin nakpipi-in kiko uh a thu ngen uh hi.

Ahi zongin hih SDA pastor in Julia tungah “Thu i nget ciangin nakpipi a kiko kul lo hi; i lungsim ngaihsutna dong hong mu, hong thei Pasion hi,” ci-in a hilh hi.

Thu i nget ciangin Topa tawh lawmta kiho bangin kiho-na hi, ci-in zong a hilhpha hi. Julia in a zak thute le la kisate in a lungsim lawngkha mahmah hi. Tua hi-in zingsang lam programah kihel dingin a khensat hi.

Hih AWR program in Julia min thak khat a puahsak hi. “A manpha numei” ci-in min thak khat akipia hi.

Numei makaite tawh mapang khawmin Lai Siangtho siksanan numei tawh kisai thusinna tuamtuan nei dingin kikapna a nei uh hi. Intership/nasep kisinna hun a bei ciangin Julia in tui kiphum dingin a khensat hi.

A lawm tawh Hope Channel ah nasem in om a, Hope channel makai khatin Pasion nasemin om hi.

A naseppihte in Julia khen satna a theih uh ciangin lungdam mahmah uh hi.

“Tu-in ka lawm na hi ta hi. Thu upna sungah ka sanggamnu na hi ta hi” ci-in a pulaak hi. Julia zong lungdam mahmah hi. AWR tungtawnin a nunzia kikhel hi.

Hih AWR in Gospel thu genna kinei hi; mi tampi in hih radio tungtawnin Pasion thuman a za thei uh hi. “Kei zong Pasion nasem suak dingin ka khensat hi,” ci-in a pulaak hi.

Tawh khat khit ciangin a sangkah zomkik a, MA lukhu neelkai a ngah thei hi. MA zo khin ahih manin AWR director dingin kikoih hi. Tua ciangin Julia in lamdangsa mahmah hi.

Pasion lampi honsak ahihlam a mu thei hi. Pasion lamlah ding ngen a, AWR tungtawnin Congo gam sung khempeuh ah gospel thu a kizel thei hong suak hi.

Pasion kiang pan “pilna” a ngen tawntung hi. “Pasion in huhin, siamna hong pia in, ci-in a ki-ap tawntung hi.

AWR tungtawnin mi tampi in Khrih kiang hong zuan thei uh hi. Thugennate le music bek tham loin AWR in pilna tawh kisai thute, innkuan sung vai tuamtuan te, singkung lopa kepsiamna cihte zong tangko-na a nei hi.

Julia’ in lungdamna tawh a kidim hi. AWR thugenna tawh mi tampi in hotkhatna thu um in a nuntaknate uh Khrih tungah a apna thute a zak ciangin lungdam pha diak hi.

Khuazakloh zong Thupha Khat



KENYA | May 9

Obiero

Tuni-a i zak ding Mission news in Quarterly Mission Project tawh kisai a nunung pen a kingah thute hi ding hi. Obiero in a nasepna panin kikhawlsak a, Kenya's first Seventh-day sangah sangsiapi semin om hi.

Hih sang in khuaza thei lote sangkahna sanginn khat hi. Nau pangte in hih sangah a kah ding uh hamsa sa uh hi.

Kenyan mite in tua bangin bengngonna in mawhna hang hi, ci-in ciamteh uh hi. Tua bangin tate khuaza thei lo a om uh ciangin anu ahih keileh apa khat peuhpeuh in mawhna, khialhna khat peuh nei hi ding hi, ci-in ngaihsun uh hi.

Nulepa mawhna ahih keileh zong api a pu mawhna hang hi ding hi, ci uh hi. Pasion daanpiakna hangin tua bangin bengngong uh hi, ci hi. Ahi zongin tua bang bengngonna in khanggui zui-in natna khat hi thei hi. A suah tung a

kipan damlohna zong hi thei hi.

Bengngonna in gim thuakna nam khat hi. Nulepa tung panin damlohna kilawhsuk hi thei ding hi. Obiero nasep in bengngong ta nei nulepate lamlah nasep hi. Innkuan sungah tua bangin damloh na nei tate, innkuan sungah kima kaih zia ding a hilh hi. Beng ngon na in gim thuakna hi lo hi. Hih thu in thuman ahihna ama nunzia mahmah in a pulaak hi.

Naupang khat in khuaza loin a om ciangin zatui zaha tawh kibawl in damna a ngah naupang tampi mah om hi. Obiero in a suah tung a kipan bangmah nawngkai-na nei lo hi. A neulai-in a pa in sihsan hi; a nu tawh om uh a, a nu in khua mu thei lo hi. Saturday ni hong tun ciangin a nihun biakinnah pai uh a, biakinnah va kikhawm uh hi.

Ahi zongin kum 13 a phak ciangin nattun natna ngah hi. Zato a tun ciangin manlang takin zatui kithunpah hi. Si zong luang khia ahih manin si thun ding kisam hi. Si thun kul ding ahih manin zato dang khatah kituah hi. Tua hangin siavuante in a genna-ah “ amah in dam zo lo ding, dam phial taleh

khua za thei nawn lo ding hi, ci-in a pulaak hi.

Hih khangnopa in zato -ah sawtpi a lup kul ding hi, ci uh hi. Nattun natna dampahpah zo lo ahih manun tua bangin nitampipi zato lum uh hi. Ahi zongin a tawpna-ah natna panin damna ngahin zato a tuak thei hi. Inn a tun ciangin khuaza kik thei hi. Tawl khat khit ciangin a damsang thei hi. Awzak theihna khat zong thuah a tu-in nuamsa mahmah ta hi.

Obiero in tua bangin damna ngah taleh lungkia-in a om hi. Khuaza thei-in suak a tu-in khuaza thei lo cih a ngaihsutna hang hi ding hi. Pasion gimpiak thuakkha ka hiam, ci-in a lungmang hi. Tua bangin lungkia-in a om ciangin Lai Siangtho sim hong kipan hi. Lai Siangtho a sim ciangin lametna hong ngah thei hi. Jeremiah 29:11 hong simkha hi: “Nang aa ding geelna ka nei hi. Nangma nopsak nading, cih theih nading ka geel khin hi.” Ka khuazaklohna in Pasion thupha hi mawk ding hiam, ci-in a lungmang mahmah hi.

Khuaza loin a om hangin midang khat peuh a huh thei veve hi, ci-in lametna tawh a nungta hi. Tu-in a khuazak lohna hangin midangte tungah thupha hi thei ahihlam a pawk thei hi.

A sangkahna zom toto thei a, MA dong zo-in Mwata Adventist Sangah laihilhin om hi. Hih sangin

khuaza lo naupangte sangkahna innpi khat hi. Laihilhin om bek tham lon sangsiapi-in kikoitho hi.


Hih sangah sangnaupangte in kum 4- 18 kikal vive hi. Nuntak khuasak theih nading siamna tuamtuaam kihilh uh hi. Naupangte in Lai Siangtho sim kihilh uh a, Topa tawh kinai zaw semsem thei uh hi. Lai Siangtho sungah zong khua za lo, bengngongte in damna a ngahna thute zong amu thei uh hi. Jesuh in tua bangin khuaza lote hamsa loin a damsakna hi.

Obiero in naupangte Jesuh thu ahilh hi. Jesuh in a sawt loin hong paikik ding ahihna thute a hilh hi. Tua hun ciangin natna, damlohna khempeuh a dam ding hi. “A tawntungin bengngongte in khuaza thei ta ding uh hi” ci-in a hilh hi.

Naupang 97 bangpha uh a, 2012 kum a kipan a kihong toto tu dong, khangno 26 in tuiphumna ngah khin uh hi. Obiero in bengngongin aom hangin Pasion min phat veve hi. Amah bangin bengngong naupangte in Pasion thu hilh thei uh hi. Pasion nasepna kizawh nadingin Pasion in hong zang hi, ci-in a pulaak uh hi.

Tu quarter Sabbath school 13na sumpi in Mwata Adventist School ah kipuak ding hi. Hih sang in bengngong naupangte kipan tah na sang lianpi khat hi-in, sangnaupangte giah nading boarder lam nadingin kizeek ding hi.

Pasian adingin Nungta



KENYA | May 16

Mary

Hih tangthu pen a beisa Sabbath 13na Sumpi, Quarter simin Nasep Geelna Sumpi kici-in zong a kithei thuthak thupuakna ahi hi.

Mary in a suah tung a kipan khua za thei lo hi. A neulai- in a nu le pa in sihsan hi. A pa note khat ii kepna tawh a khangkhia khat hong suak hi.

Sang kah theih hun hong tung in, sangkah a, a siate hilh thute thei thei mahmah lo hi. Banghang hi ding hiam cih zong a thei zo tuan kei hi. A pano in bengngong naupangte sangkah nading sang zong kawikawi hi.

Tua bang naupangte sangkah nading mu hi mah taleh sangsap tampi la uh ahieh manin kaksak zo lo zel uh hi. Lokho mi ahieh bangmahin nek tawm zong ahieh manin a sangsap ding bangmah nei zolo hi. Mary kitangsap tuam tuamte a sik zo kei hi.

Tua ciangin a pano in Pasian thu kigenna camp khatah Mary tawh thungai dingin va kikhawm uh hi. Tua hun laitakin Mary in kum 7 hi pan hi. Pastor in Mary le Mary pano tawh kimu-in tui kiphumna nei dingin a zawn hi.

A pano in pastor tungah Mary hamsatnate a pulaak hi. Beng ngong naupangte mailam thu ding lai thei loin a om ding uh lung himawhna tawh kidim hi.

Sangkah theih nading khat zong kawikawi ahiehna thu zong a pulaak hi. Pastor in Adventist pawlpi in tua bang naupangte sangkahna nei hi, ci-in a pulaak ciangin Mary pano in zong tua sangah Mary kaksak ding a pulaakpah hi.

Maryte omna tawh kigamla mahmah hi taleh, naupang beng ngongte sangkah nading sang, hih bekmah om ahieh manin kaksak

dingin Mary pano in a geel hi. Hih sangah a vakah nadingin Mary pano in a leitang neih kim khat a zuak hi.

Mary mawtaw sap ding a kipan a kisapna tuamtuamte lei-na a nei uh hi.

Mary in hih sang a va tun ciangin sangsiapipa in zong lim takin a na muakpah hi. Sang siapi pa in Mary le a pano tungah, sangkah nading sum, tuition cihte bangmah lungchimawh kei un, ci-in a pulaak hi.

Hih sangah a kahna hangin Mary in lungnopna tampi amu thei hi; amah bangin khua za lo naupang tampi om a mu hi. Pasion thu nungtate sin thei uh a, a zak thute hangin lungkimna tawh a kidim thei hi.

Zingsang sialin siate in Lai Siangtho sinpihna nei den uh hi. Mary in John 3:16 a deih mahmah hi. “Pasion in leitung it lua ahi manin, a Tapa a um khempeuh mangthang lo-a nuntak tawntung na a neih nadingin a Tapa khat neih sun hongpia hi.” Laisim zong kihilh ahil manin lai a sim theita hi.

Ama thu-in Lai Siangtho simsim a, a lungkim mahmah hi. Tua bangin a sangkahna kum khat khit kum khat zo toto a, Topa

Pasion hoihna, hehpihna amu toto hi. A beisa a nunzia ngaihsun kikin Topa ompihna tampi ngah ahihna thute zong a phawk thei hi.

Topa a upna kip semsem a, a nuntakna khempeuh Topa tungah kipia nuam a, tui kiphum ding a pulaak hi.

2023 kumin Sabbath School 13na sumpi Mary sangkahna-ah Mwata Adventist Schoo kipuak ngei khin hi. Tu-in Mary in kum 13 cing khin hi. Tu-in a sangkah zawh kum 6 cingkhin hi. Topa aa ding bekin a nung nuam hi.

Nisimin Lai Siangtho sim nuamsa hi. A sangkahna-ah thugen dingin kisawl thei zel a, thugen zong nuamsa mahmah hi. Jesuh in a sawt loin hong pai kik ding hi, cih thu a tangko kawikawi hi. “Beng ngongin ka om hangin Jesuh hong hopihna ka za thei veve hi,” ci-in a pulaak hi.

Tu quarter Sabbath school 13na sumpi in Mwata Adventist School ah kipuak ding hi. Hih sang in naupang bengngongte sangkahna ahil bangmahin a kikat sapnate uh huh nadingin kipuak ding hi. Sangnaupangte giahna innte kicing nawn lo ahil manin boarder lam nading annek nading inn lam nadingin kizang ding hi.

Thupha Innpi



KENYA | May 23

Elijah

Hall innpi khat a kilam hi-in, hih innpi kizo khin hileh naupang bengngongte om nading innpi khat hi ding hi. Hih innpi in leitung bup SDA pawlpite huhna tawh kilam ahi hi.

Hih innpi kha thum sung kilam in kizo thei hi. Makai khatin lamdang sa-in Topa tungah lungdam ko hi. Inn kilam sungin kuamah in liam le, baai cih bang om lo hi. Kuamah in zong inn lam nading van le nate zong a gu om lo uh hi. Kuamah in zu khaamsa-in nasem hong pai lo uh hi. Hih bangin a om theihna uh in Pasion lamlahna lo, thudang hi lo hi, ci-in a pulaak thei uh hi.

Hih hall thak in bengngong naupangte sanginn ding hi. Kenya khuapi Nairobi panin a tai 185 bang a gamla Kisii khua-ah kilam hi. Hih sang in Sabbath school 13na sumpi huhna ngah ngei khin hi.

Tua sumte tawh boarder le annekna inn kilamna-in kizang hi. Elijah in “Topa aw, tuni hong huh in ka nasepna uh hong mavangsak in,” ci-in nisim a nasepna ma-in ki-

Anhuan buk sungah an kihuan huan in om hi. Hih anhuan bukin sikkang tawh ki-um hi. An min ciangin naupangte in innpua lamah an ne uh hi. Sum kizong kawikawi a, a kingah teng tawh pasal le numeite giah nading inn kilamsak hi.

Hih sang ah sangnaupang vekpi 74 bangpha uh hi. Annekna inn in 2024 kum a kilam hi. Elijah min nei khat ii makaihna tawh kilam hi. Amah pen kum 36 a pha, SDA upna nei mi khat hi. Zingsang sialin Elijah in thungetna nei den hi.

A nasepna-ah nasem mi 30-40 tawh nasem khawm ahih manin tua bangin Topa ompihna a ngen tawn tung hi. Tua nasemte lakah Adventist thu-um mi kuamah om lo uh hi.

apna a nei tawntung hi. Topa in cidamna daupai-na guanin innlam nasep a zo thei uh hi.

“Upna tawh thu i nget ciangin Topa in hong dawng takpi hi, ci-in teci panna zong a nei kawikawi thei hi. Ahi zongin Topa kepna tawh nasepnte zong bangmah ci lo uh hi; mun khat khatte-ah inn tung pan kia-in a liam, a baai tampi om hi; nuntakna a beilawh zong om tham uh hi. Ahi zongin “Topa kepna tawh hih lai nasepna-ah tua bang om lo hi.”

Khua sung inn kilamnate-ah guta om thei zelzel hi, ci-in Elijah in a pulaak hi. Gutate in guk theih guk mawh tuamtuam gu uh hi. Ahi zongin Topa kepna hangin guta kuama hong pai lo hi; van mang bangmah zong om lo hi.” ci-in Topa kepna teci a pulaak hi.

Mun dang kim khatah makaite in nasepnte thaman pia lo uh hi. Ahi zongin Elijan in nasepnte thaman man takin pia hi.

Elijah makaihna nuai-a nasepnte zong lungdam thei mah mah uh hi. Sabbath ni hong tun ciangin nasepna pan tawlnga-in biakpiakna a nei uh hi. Khua sung nasepnte in tawlngak ni cih bang nei lo uh hi.

Nasep kipat cilin nasepnte kim khat zu dawnsa-in nasep hong kuan uh hi. Ahi zongin Elijah in hih bangin zu dawnsa-in nasep hong pai nawn kei un, ci-in pulaak a, tua ni simloh kuamah in zu dawnsa-in nasep kuamag pai nawn lo uh hi.

Nasepnte khat in zu dawn nuam ing, ci-ina pulaak ciangin a lawmte khat in tua bangin zu dawn thei lo ding, ci-in tai zel hi. Nasep kuan nuam ciat uh ahih manin kuamah in zu dawn lo uh hi.

Nasepnte lakah khat in Eijah makaihna nuai-a nasep bel hamsa lua hi,’ ci-in pulaak hi. Ahi zongin a lawmte in ama hoih zawk nading, a innkuanpihte aa ding ahih zawhna thute a pulaak hi. Tua bangin zu dawnte in nasepna pan a ngah uh sumte zu dawna tawh bei siangsak pahpah uh hi; innkuanpihte aa ding om nawn loin, innkuan sungah buai-na ompah hi.

Elijah in a pulaakna-ah “Kei kiangah nasepnte bel mi hampha hi; zu dawn lo, nasep thamante limtak kem thei suak hi, ci-in zu dawn lohna a ahoihna thu a pulaak hi.

Tu quarter Sabbath 13na sumpi Merisho Advent Community Nursery School ah kipuak ding hi. Hih sanginn in Nairobi khuapi ngei khua khatah om hi.

Pasian tungpan Letsong



BURUNDI | May 30

Jeanne

Jeanne in a sawt loin a nuntakna bei ding ahihna a thei hi. Jeanne in kum 26 cing khin hi. A sawt loin nausuak ding hi ta hi. Tua hi-in nauhaihin ankam lim lo, an ne zo lo hi. Inn pua-ah a pusuah ciangin huihnung thuak zo lo hi.

A pum a sa khempeuh nasa hi. Burundi khuapi-a zato tuamtuam ah kilak hi mah taleh, siavuante in a natna mu zo lo uh hi. Jeanne in zato dang khat va zuan hi. Tua zatote in zong bangmah cih thei tuan lo uh hi.

Siavuan tampi, zato tampi zuan khin, sum le paai zong tampi bei khin hi. Lungkiatna tawh kidimin ka nuntakna bei leh ci-in a nau aa ding lunghimawhna tampi nei a, a manlang theithe-in nausuah ding bek a lunggulh hi. Tua le mi khat in SDA pawlpi zato khatah kilak dingin a sawl hi.

Tua bangin a kigen ciangin amah zong lawp takin kithawi

mengmengin SDA zato ah kilak dingin a pai hi. Hih zato in Buganda Dispensary kici hi.

Hih zato a nasemte in test tuam tuam bawlpah uh hi. Siavuante a kism bangin natna zong uh a, a natna tawh kituak ding zatui a piak uh ciangin Jeanne natna hong bei hi. Lamdangsa mahmahin hih bang thu om thei ding hiam, ci-in a lungmangin lah nuam mahmah hi. Siavaunte in nipi kaal thum khit ciangin kilak kik dingin sawl uh a, inn ciahsak uh hi.

Nipi khat hong cin khit ciangin a natna bangmah om nawn lo hi. Ahi zongin nidangin a nuntak ngei bangin nungta veve hi. Nidang a a kilahna zatote ah va paikik a, siavuante zatang nek ding pawl khat na pia uh hi. Jeanne ahihleh lungdam hi. A sawt lo hun khat ciangin nausuak hi.

A ta min dingin Chanelle ci-in phuak hi. A sawt loin a cina kik hi. Ka natna dam thei nawn lo ding hi, ci-in a ngaihsun hi. SDA zato ah kilakkik dingin vapai hi. SDA siavuante in TB nei hiteh ci-in TB zatui a pia uh hi. Siamahnte in nisim a gamtat dan ding khempeuh a pulaak uh hi.

Tua bangin siavuante piak zatuite le tua bangin a lamhilihna hangin Jeanne lungdam mahmah hi. A vengte naupang khat zong dam thei loin cina-in om den a, Jeane in SDA zato thu a pulaak ciangin, anihun SDA zato-ah va pai uh hi.

Siavuante in sit theih bangbang in sitsak a, ahi zongin natna bang mah mu lo uh hi. Ni 10 khit ciangin kilakkik dingin ciahsak phot uh hi. Tua bangin ni 10 sung zatui sut ding pia uh a, Chanelle in sut 18 vei kisun hi. Tua khit ciangin hong hoih zaw deuh hi. Zato a nasemte in natveh dingin a inn ah hong hawh uh hi; Jeanne le a tanu bek inn ah om hi. Thungetna nei uh a, tua zawh ciangin ciahkik uh hi. Jeanne lungsim in Topa Pasion lunggulhna lianpi a nei hi.

SDA pawlpi-ah tui kiphum dingin khensatna nei hi. Seventh-day Adventist pawlpi ah tuiphum in lut dingin a kiging uh hi. Khrih in leitungah a hong pailai-in Christ kiang hong paipih uh hi. Ellen White in, “Mite kiang tunna dingin Christ’ hong zatdan bek mah in lawhtakna taktak hong pia ding hi. Honpa in mite a hoihna ding deih mi bangin a pawlpah hi.

Mite a lainatna lak a, amau kisapna a kicingsak a, muanna a ngahsak hi. Tua ciangin, ‘Hong zui un,’ ci-in a sam hi” (*The Ministry of Healing*, p. 73). Kha tampi sung,

clinic nasemte in Christ’ zatdan a zui uh: Jeanne le a tanu veh in, thungen in, amau kisapna pulaak sak in, a muanna a ngah uh hi. Tu-in Jeanne in kum 40 cing khin a, Seventh-day Adventist upna sung ah kiptakin nungta hi.. Chanelle ahihleh kum 10 phapan hi. A nu tawh Sabbath School class ah pai zelzel uh hi.

Amaute ading in, Buganda Dispensary pen Pasion kiangpan hong piak manpha mah mah khat hong suak hi. Jeanne in a pulaakna-ah “Clinic a eite hong kepna hang leh eite tung a itna a lakna hang un, amau pen Pasion nasemte ahi uh, ka ci thei hi,” ci-in Jeanne in a gen hi. “Inn a ka om laitak nangawn in hong veh uh a, kei aa ding thunget sak uh hi” ci-in a pulaak hi.

Tu quarter sungin, Buganda Dispensary in Great Physician, Zeisu Christ a’ khut damsak nasep na ministry alet na ah nang zong na panpih thei hi. Hih clinic, Burundi a Adventist kipan tung hi-in, 1983 kum a Sabbath school sumpi huhna tawh a kilam innpi bawlphat huai khin ahih manin kibawlpha ding hi. Bek tham loin clinic a ding in numei leh pasal inn thak, mi khat kia omna room, consultation room thak, mi ngakna mun, laboratory, leh bathroom bawlna ding in kizang ding hi. Hih project manpha tak a na piak manin lungdam ing.



A Lamdang Zato

TANZANIA | June 6

Tu zinga i zak ding Mission news in SDA Zato inn, Zanzibar tuikulh, Tanzania gama gam pan hi. Hih zato inn pen project lianpi khat hi. A tangthu 1980 kumlai a kipan ahi.

Zanzibar pan kumpi ulian khat haksatna tuak hi. Tanzania khopi, Dodoma a hawh laitak in Seif Sharif Hamad cidam lo hi. Chief minister a hihna tawh, amah pen tua tuikulh tungah makaai thunei mahmah khat hi-a, Zanzibar president khit ciang a thunei pen ahi hi. Ahi zongin tua ni lian in, amah tha nemin ama le ama kimuang lo hi.

Mi khat in SDA zato no khat ah pai dingin thuhilh hi. Tua zato no pen parliament innpi a nasepna mun tawh a nai pen zato hi lo hi. A kiang nai ah zato dangte zong om hi. Ahi zongin chief minister pen Adventist zato no ah va pai hi. Amah a kikepna tungah lungkim mahmah a, zato nasepte kiangah, “Kua na hi uh hiam?” ci-in dongh hi. Amau in, “Ko pen SDA-te ka hi uh hi,” ci-in dawng uh hi. Amah in,

“Na kipawlna uh makaai nei na?” ci-in dongh leuleu hi.

Amau in, “Hi, makaai ka nei uh hi,” ci-in dawng uh hi. Tua khit ciang amah in, “Zanzibar tuikulh tungah hih bang khat ih hong thei diam?” ci-in dongh hi. Amau in, “Hi, ih hong thei hi,” a ci uh hi.

Zato nasepte in tua ngetna pen Adventist Pawlpi’ Tanzania Union Mission kiangah khia uh a, tua lai-a makaait zong lungdam mahmah uh hi. 1930 kumsawm bei lam pan pawlpi nasepna a kipat cil lai-in, Zanzibar pen nasep haksatna mun khat ahihna kilang khin hi. Tua nasepte pen laibu tawh thupuangte ahi uh a, tua tuikulh tungah laibu zuak sawm mah le uh, mipi tamzaw Christian a hih loh manun laibu zuak zo lo uh hi.

Tu nai deuh in, pawlpi in zu, meitui, leh vok-sa lauhuaina thu-te tawh kisai cidamna lam sinsakna bawl dingin siate a sawlna uh tawh lawhcinna ngah zaw deuh hi. Hih cidamna lam nasepna-te pen Zanzibar-te upna tawh kituakin, mipi-te’n dawna hoihtak pia uh hi.

Tua hun ciangin, Zanzibar chief minister in Adventist-te pen pawlpi’ cidamna lam nasepna nak pi-in a khantohsak thei ding zato no khat hong dingin zawn hi. Tua

pen a hoih lua kisa-in, up haksat mahmah hi. Tanzania Union Mission in zato no hon ding vai a enkhe ding mi thum panmun committee khat phuan uh hi.

Sawt loin, a mi thumte Zanzibar ah tung uh a, 1986 kumin chief minister a zum ah va mu uh hi. Amah in amah a bawl ngei Adventist zato phawk a, tua ahih ciangin zato a hon pah nadingun tua ong hawh mite zawn hi.

Tua tuikulh sunga cidamna lam thuneite kiangah phalna khat... tua nasepna ding kipan thei uh hi.

Khate ong bei a, bang mah pianglo hi. Phalna bangmah kingah lo hi. A tawpna ah, pawlpi makaite khat chief minister kiang ah vapai-in bang thu piang hiam ci-in va dong hi. Chief minister pen a kizekaihna hangin lungkimlo hi.

Pawlpi in zato a ding mun khat a zon kul ta hi. Pawlpi makaite in tua tuikulh tungah kum nga sung a om khin laibu tawh thuhilpha khat huhna va ngen uh hi. Tua pa in lamzikpi lehlam lehlam ah a om inn nih a kigawm hotel lui khat va mu hi. Tua inn pen kum nih sung kizuak dinga kikoih khin ahi hi.

Pawlpi in tua innte lei uh hi. Sia Josiah Tayali, zato phuan dingin gam lianpi pan ong tung hi. Amah etkaihna tawh, tua innte puahphat hi-a, zato van, upatna van, leh laboratory vante gam lianpi pan ong kikhak hi. Sia Josiah

in zato sungah damdawi kizuakna (pharmacy) hon nading phalna ngah hi.

Thukhun bangin, Zanzibar ah zato bawlna khempeuh a thawn hi-a, amah in zato nasepte khasum a piak theih nading lampui zong hi. Damdawi zuakna pan a kigah sum in nasepte khasum piak nading leh damdawi lei beh nadingin kicing mahmah hi.

Dispensary pen Jan. kha 31, 1988 ni-in kihong hi. Zanzibar gam makaipi lungdam mahmah hi. A innkuanpihte a cidam loh ciang in, zatui kibawlna dingin clinic ah khak hi. Tua clinic ah a kilakte lak ah Zanzibar president' zi le ulian dangte zong kihel hi. A damlo tamzawte pen a kiangnai-a tengte ahi uh hi. Dr. Josiah in hih clinic pen Pasion' nalamdang sepna hi, ci-in gen hi. "Hih pen Zanzibar-ah nasep nading Pasion' sapna ahi hi," ci-in a gen hi.

"Hih pen kote' pat ahi kei hi." Zanzibar Seventh-day Adventist Dispensary in Zanzibar gam ah kum 40 phial nasep thupi mahmah te na pia khin hi. Tua hun sungin, mimal clinic-te zong kihong thei ta a, Adventist clinic in zong a nasepna hangin sumte na sang khawm hi. Tu-in a inn nih-te lui mahmah ta a, thak laih kul ta hi. Hih quarter sunga Sabbath 13na Sumpi in hih lamdang zato puah nadingin kizek ding hi.

Kongkhak Puang

TANZANIA | June 13

Josiah Tayali



Josiah kongkhak lamah kalsuan in, a hong pai hi. Tua kongkhak pen lianin a san-vom hi a, tua veng sungah tua bek om hi.

Pua lamah amah in mi thak mi sagihte mu hi — pasal thum, numei khat, khangno khat le naupang nih mu hi. “Bang na deih uh hiam?” ci-in amah in dong hi. Pasal khat in, “Sia, hih pen zatui-sai ahihna kote in thei ung a, nang tawh thu kikum dingin ong pai kahi uh hi,” ci hi.

Tu kaal nasepna tangthu pen, Africa nisuahna lam tuiptau gei-a om Tanzania gam sunga Zanzibar tuikulh ah SDA Pawlpi ah a lut masa pen mite' tangthu hi.

Hih tangthu pen 1987 kum-in a piang hi. Sabbath zingsang khat hi a, Africa tuikulh Zanzibar ah ngeina ni khat ahi hi. Tua tuikulh-a SDA zatui-sai neihsun-a sia masa pen ahi Josiah, biakinn pai dingin a kiginkholh laitak-in zatui-sai kongkhak ging za hi.

Kha tampi a sawt khith tua zatui-sai ah a kituah khith pan kua mah in tua kongkhak na khek ngei

lo uh hi. Tua tuikulh ah a om sungin, mite in kongkhak a khek pen thu piang ngeilo khat ahihna na thei hi.

Tuikulh mite in inn sunga omte sapnopleh, Dammaw! Dammaw! ci-in awng uh hi.

Josiah in, "Kote' thu ong ngai phot o," tua pasal in ci hi. "Nang tawh thu kikum nuam ung."

Sia in tua mite inn sungah lut dingin zawn hi. Tua pasal min Moses ahihna le a dangte pen a zi, a tate, le a lawmpa Ezekiel ahihna gen hi. Tua khith ciangin amah in thupiang ngeilo tangthu khat gen hi. Amah in mang khat man a, tua mang sungah veng khat ah pai dingin kigen hi, ci-in gen hi.

"Tua lai ah, kongkhak lianpi a san-vom khat na mu ding hi," ci-in aw khat in gen hi. "Tua kongkhak khelin. Ahong phelte pen mainland pan Zeisu hih tuikulh ah ong puak Khristiante ahi uh hi. Amate in na hih ding uh ong gen ding uh hi."

Moses in tua mang lamdang sa mahmah hi, ahi zongin a phawk ciangin deih lo hi. Tua khith ciang tua mang mah man leuleu hi. Amah in mangngilh nuam hi. A thumvei-na zan a tua mang a man ciangin, zingsang-in a innkuan pih te sam khawm a, zatui-sai ah pai

pih hi. Tua pen Saturday zingsang khat ahi hi.

“Hih veng sungah kongkhak lianpi a san-vom khat bek om hi,” ci-in Josiah kiangah gen hi. “Mang sung pan ka thei hi. Ahi zongin tu zingsang kote kong tun ciangin kongkhak kikhak hi. Mang sungah kheng dingin ong kigen a, tua man in ka kheng ahi hi.” Josiah nui hi.

Moses in a thugen zom hi. “Ka mang sunga ka zon pen nang na hi kha ding hi,” ci-in gen hi. “Nang Khristian na hi hiam?” Josiah zong thukim hi. “Tuni pen biakpiakni hi a, tu-in ka biakpiakna mun ah ka pai ding hi,” ci-in Josiah in gen hi.

“I pai khawm thei diam?” Moses in thukim hi. Amaute lampi lamah kalsuan uhi a, inn-biakinn khat ah pai dingin bus khat tuang uh hi. Tua khit ciangin, tua lai ah sun-an ne uhi a, zatui-sai lamah bus tawh ciah kik uh hi. Tua ni khit ciangin, Moses leh a innkuanpihte Sabbath ni khempeuh in inn-biakinn ah pai pan uh hi.

Josiah zong amate' inn ah va hawhin, amaute tawh Lai Siangtho sin khawm uh hi. Moses pen kum sagih a beisa lai-in mainland pan Zanzibar ah a kituah Khristian khat a hi hi. Amah in tua tuikulh ah Seventh-day Adventist laibu khat na mu kha a, amah le a lawmpa Ezekiel in tuapa tawh Lai Siangtho na kikum khin uh hi. Tua hun

laitak mah-in kongkhak lianpi a san-vom thu mang a man ahi hi.

Josiah in mainland-a om pasal khat hopihin, tui-phum dingin a kiging mi nih — Moses le Ezekiel — aneih thu agen hun ong tung hi.

Zanzibar ah kum tampi sung kuanmah tui-phum kinei ngei lo hi. A sawt lo-in, pasalpa in Indian Ocean tui sungah Moses le Ezekiel tui-phum hi.

Tua pasal nihte in Zeisu kiangah a nuntakna uh a piakna uh a muh ciangin Josiah lungdam mahmah hi. Amah in kongkhak lianpi a san-vom a phel sim loh bangmah dang hih lo hi. A dang khempeuh Pasian in hih hi.

Hih tangthu a pian khit kum tampi a sawt ciangin, Zanzibar Seventh-day Adventist Zatui-sai a Josiah in a phel kongkhak lianpi a san-vom pen kongkhak dang khat tawh kilaih ta hi. Ahi zongin tuni-in, tua zatui-sai a inn nih pen kongkhak bek hi lo-in a vekpi-in laih kul ta hi.

Tu quarter sunga Sabbath 13na sumpi napiak na tawh hih tangthu ah na kihel thei hi. Sumpite in Zanzibar Seventh-day Adventist Zatui-sai inn nih pen phiatin, tulai tawh kituak inn thak nih tawh laih nadingin huhna hi ding hi. Hih thupi mahmah nasepna a ding phal takin na piak manun lungdam mahmah hi.



Sabbath Topa

TANZANIA | June 20

Ezekiel

Hih tangthu pen 1986 kum a, Africa ni suahna lam tuipiau gei, Tanzania gam sungah a om Zanzibar tuikulh tungah SDA pawlpi ah a khatveina a kihel mite tangthu ahi hi.

Ezekiel lungbuai mahmah hi. "Sabbath a taktak pen Laithaini, Ninoni, maw Nipini hiam?" kici thulu a nei laibu khat bangci bawl ding cih theilo hi.

General Conference a vice president lui khat ahi W. Duncan Eva kiang hih laibu pen mi khat in amah na pia hi. Amah in Zanzibar tuikulh a a inn ah tua laibu sim hi.

Tua tuikulh tunga mi tamzawte tawh kibang lo-in, amah pen Khristian khat hi.

Tanzania mainland lam a inn kuan haksatnate pan suahtakna dingin, 1985 kum in Zanzibar ah na kituah hi. Ezekiel in tua laibu hangin lungbuai mahmah hi. Tua tuikulh tunga mi tamzawte in a zuih uh Laithaini pen Sabbath a taktak hilo ding hi cih a kician in

thei hi. Pasion' Sabbath siangtho pen a taktak in Saturday ni ahihna tua laibu sungah na sim hi.

"Hih laibu nang hong piapa tawh kimu dingin va gen in," ci-in amah in gen hi. Sawt lo-in, SDA laibu hawm Yohana kici khat in Ezekiel le Moses va hawh hi. Amah in Sabbath tawh kisai amau dotnate dawnna piak sawm hi. Tua mite a kinial uh ciangin, amah in Voice of Prophecy Lai Siangtho sinnate na pia hi.

Amah in, "Hih sinna sunga dotna khempeuh na dawn uh leh, letsong khat kong pia ding hi," ci-in gen beh hi.

Ezekiel le Moses zong lunglut mahmah uh hi. Amah in a kipatna sinna nga la uh a, na zo uh hi. Yohana in tua sinnate na diksak a, a dang nga pia beh hi. Sinna 20 a zawh uh ciangin, Yohana in lung dam pihna gen a, certificate khat tuak na pia hi. Amah in a kiciamsa letsong zong na pia hi: mi khat ciat a dingin khedan (puanphei) a ngiat thum le angki khutsau a san le a dum thum ciat na pia hi.

Ezekiel le Moses zong lung dam mahmah uh hi. Tua tuikulh tunga sum le pai dinmun a niam mahmah hi a, mi tamzaw in puan

silh ding khat sanga tam nei lo uh hi. Ezekiel in amah a dingin khat kem a, a dang nih pen a tanaute na pia hi. Lamdang a sa a tanaute in tua puante koi pan a ngah hiam ci-in a dot uh ciangin, amah in, "Ong pai un. Kong lak ding hi," ci-in na dawng hi.

Anaute le lawmte in Lai Siangtho sinna dingin min na pia uh hi. Sinna 20 a zawh khit ciangin, Ezekiel in Sabbath ni na zui kipan ta hi. Tua sinna 20 a zawh leuleu uh ciangin, certificate khat le khedan le ang kithum ciat na ngah kik uh hi.

Hih sinna te a zawh nading un kum khat phial sawt hi. Amau a sin laitakun, Moses in kongkhakpi a san-ngo (brown) khat thumvei na mang hi. A thumveina mang a man khit ciangin, amah le Ezekiel in tua tuikulh tunga Adventist zato no (clinic) thak a om kongkhakpi a san-ngo pen va khet uh hi. Tua zato no (clinic) a siavuan in Adventist inn biakinn khat ah amau va pia khia a, Lai Siangtho sinna dangte tawh amau upna na khauhsak beh hi. Yohana tawh a thumveina sinna a zawh khit ciangin, Ezekiel in tui-phum nading na ngen hi.

Ezekiel le Moses pen Indian Tuipi sungah tui-phum na ngah uh hi. Amau tui sung a lutsuk laitakun Yohana le zato neu a sya pa in tuipi

Mai Sabbath in quarter cin ahih manin sumpi khiat ngei a zah thum khia dingin i kiza sak khol hi.

sungah na zui hi. Amau pen kum tam mahmah khit ciangin Zanzibar ah a khat vei na tui-phum a ngah Adventist-te a hi uh hi.

1989 kum in, a khatveina Adventist pastor tua tuikulh tungah ong tung a, kum guk khit 1995 kum in, a khatveina Adventist biakinn na kihong hi.

Tuni in, pawlpi mite biakinn guk le Sabbath School branch nga ah kikhawm uh hi. Ezekiel in Sabbath ni sim kikhawm den hi. Moses pen Tanzania mainland lam ah ciah kik mahleh, tua mi nih pen kiho zelzel uh hi.

Ezekiel in laibu hawm pa le doctor tungah lungdam mahmah hi ci-in gen hi. Amau tungtawn in, Sabbath le Sabbath Topa thu na thei hi. "Pasian tungah i kingak theih hangin Pasian tungah lungdam ih ko hi," ci-in amah in gen hi.

Zanzibar SDA Dispensary (zato neu) in kum 40 phial thupi takin na na sem khin hi. Tu-in a inn nih pen lui ta a, thak tawh laih kul ta hi. Tu quarter Sabbath 13na Sumpi, na piakna tungtawn in hih zato neu tangthu ah na kihel thei hi. Tua sumte pen zato no (clinic) innte phiat in, a thak leh a tuni tawh kituakin bawlphat nadingin kizang ding hi. Hih thupi mahmah nasep na adingin phal takin na piakna hangin lungdam mahmah hi.



"Doctor" Ibrahim

13th SABBATH | June 27

Ibrahim Alex Juma

Tu kaal tangthu pen Africa ni suah na lam tuipiau gei, Tanzania gam sungah a om Zanzibar tuikuhl tungah a om masa pen SDA pastor khat ii tangthu hi. Pastor Ibrahim Alex Juma pen 1989 kum in Tanzania mainland pan hi.

Ibrahim pen zato doctor dingin a kisin hilo hi. Amah in pastor khat suah nadingin theology na sin hi, ahi zongin "zatep khawlsakna" program-te a sinsakna, mite zu khawlsak nading a huhna, le amah mah in zong mehteh mehghah bek a nekna (*plant-based diet*) tung tawn in cidamna thukhunte tampi theihna hong ngah hi.

Tua ahih ciangin, amah pen Zanzibar tuikuhl ah pastor khat bang hi lo-in, cidamna lam nasep na (*medical worker*) nasem khat bangin nasemin om hi. Ibrahim in a hang na tel mahmah hi. Tua tuikuhl tunga mi tamzawte pen Khristian hi lo uh a, amah pastor

khat bangin va tung leh amau in na sang nuam lo ding uh hi. Amah mah zong tua tuikuhl tunga mite in a zuih uh Khristian hi lo biakna khat sungah a khanghia ahi hi.

Ibrahim pen a zi le a ta nga tawh 1989 kum in ong tung uh a, tua pen tuikuhl tunga a khatveina Adventist zato a kihon khit kum khatna ahi hi. Amah in zato a makai Dr. Josiah tawh na sem khawm uh a, tuikuhl tunga mite in amah *doctor* ci-in minvawh uhhi.

Cidamna lam nasepna khat ah Ibrahim in Zanzibar tuikuhl sung khempeuh ah zin in cidamna thukhunte na sinsak hi. Sawt lo-in, thupi takin na a sepna hangin minpha na ngah hi. Hotel khat ah, receptionist khat in zatep a zom lianin a tep mu a, "zatep na khawl nadingin kong huh thei hi," ci-in na gen hi.

Amah in tua pa tawh thungen khawm uh a, zatep khawl nading thupia (tips) tawmkhat na pia hi. Tua receptionist pa in lohcing takin zatep a khawl ciangin, mi khempeuh kiangah Ibrahim thu na gen hi.

Ibrahim a tun lai-in tua muna pawlpi mite pen mi sagih bek na pha uh hi. Tua mite lakah a beisa kum tawmkhat lai-in tui-phum a ngah khin Tanzania mainland pan mi nih ahi Ezekiel le Moses, Ezekiel le Moses in tui-phum na ding a pi khia mi dang nga na kihel uh hi. Tua Adventist mi sagihte in Khristian dangte kiangah amau upna thu na gen gige uh hi. Ibrahim a tun khit kha khat ciang in, amah in mi kua tui-phum na pia hi. Tua mi kua lakah khat pen tu-in Adventist zato ah na sem hi.

Zato ah a sem dang khat pen lab technician khat hi a, a pa pen Ibrahim' nasepna tungtawnin pawlpi ah a kihel ahi hi. Tua pa pen pastor khat hi a, khatvei Ibrahim ama biakinn ah thugen dingin na zawn hi. Ibrahim in sagihtakni Sabbath thu na gen a, tua pastor leh a innkuanpihte tui-phum na ngah uh hi.

Hun tawmkhat bel haksatna tampi om hi. Ibrahim' tate kum 10 pan 15 kikal mite pen sang ah kinehsiah gige uh hi. Ibrahim in a tate lungkia lo nadingin thungen a, Pasian in na dawng hi. A ta nga khempeuh leh a nungah a piang a gukna pa zong Adventist upna ah a kician mite na hi uh hi. Khat pen pastor hi a, a dang khat pen pastor zi ahi hi.

Khatveivei lauhuaina zong na om zel hi. Kumpi zum ah thunei khat in Ibrahim le zato a doctor kiang ah mimal kimuhna (appointment) khat ah pai lo ding in vau-na pia hi.

"Mi khat in thulopi khat hih sawm hi," ci-in amah in gen hi. "Pai kei un." Hun dang khat ah, Khristian a hi lo a lawm thak khat in kikhopna khat ah pai lo dingin Ibrahim na vauna pia hi. "Tuni tua lai ah pai kei o," ci-in amah in gen hi. "Amau nang hong liam sak sawm uh hi."

Tuikulh tunga mi tawmkhat pen kilemna nei lo uh hi. Galkap khawlsa khat in Ibrahim kiangah, "Nang hih tuikulh tungah Khristian biakinn ong puak sawm a hi hi. Mainland lam ah ciah kik o. Hih teng ah nang hong mu nuam lo ung hi," ci-in na gen hi.

Tuikulh tunga mi dang khat in amah vau-na pia a, "Hih ah na om leh kong hihlum ding uh hi. Nang hong hihlum pa pen vantungam ah pai ding hi, a hang pen hih tuikulh a sia sak sawm pa a hihlum ahih manin thupi takin na a sem ahi hi," ci-in gen hi.

Ibrahim in tua bawlsiatna khempeuh thuak zo a, pawlpi zong khangto mahmah hi. Hun tawm khat sung, pawlpi mite in Sabbath ni khempeuh bawllung tual khat sap in tua lai ah kikhawm uh hi.

Biakinn inn khat a kisapna ong lian semsem ciangin, Ibrahim le zato a doctor in Zanzibar a makai te va mu uh hi.

Ibrahim in makai khat kiang ah, "Ka zato vuah Seventh-day Adventist a hi doctor le nurse-te om uh hi. Amau kikhopna ding mun nei lo uh hi. Khasiat huai hi, kikhopna ding inn ih lam theih nadingin leitang tawmkhat nong pia thei diam?" ci-in na dong hi.

Tua makai pa in Adventist-te biakinn a lam nading tuikulh leitang piak nading thupia pah hi. Zato pen mi khempeuh in a theih mahmah uh le mi tampi a damsak na hangin leitang ngah nading a baihlam ahihna Ibrahim in a phawk hi. Zato tungtawn a thupha a ngahna hangin Pasion tungah lungdam a ko hi.

A khatvei-na Adventist biak inn pen 1995 kum in General Conference president Robert S. Folkenberg a kihelna tawh thupi takin kihong khin hi. Tua ma deuhin, Ibrahim' nasepna Zanzibar ah khawl a, Tanzania mainland lam ah nasem dingin kuan khia hi.

Amah a tun ciangin Adventist mi sagih bek hi phial mah leh, amah a ciah kik ciangin mi 160 na pha ta hi. Tu-in, tua tuikulh tungah pawlpi mi 1,000 sanga tamzaw om ta hi. Kum 71 a cing khin Ibrahim in tu-in thugen zo lai hi; thong

sung nasepna ah zong na kihel hi. Amah in Zanzibar ah khatveivei va hawh zel a, a beisa kum thum lai-in camp meeting khat ah zong na va kihel hi.

Amah in Zanzibar ah Pasion in a sawlna hangin Pasion tungah lungdam mahmah hi. Tuni dong mi tampi a damsak gige Adventist zato khat hangin zong lungdam mahmah hi.

Zanzibar Seventh-day Adventist Dispensary (zato) in Zanzibar ah kum 40 phial thupi takin na na sem khin hi. Ahi zongin tu-in a inn nih pen lui ta a, thak tawh laih kul ta hi. Tu quarter Sabbath 13na Sumpi, na piakna tungtawn in hih zato (clinic) tangthu ah na kihel thei hi.

Hih sumpi pen East-Central Africa Division sunga nasepna dang li a dingin zong kizang ding hi: Burundi gam a zato (clinic) khat, Democratic Republic of Congo gam a Adventist University of Lukanga a nurse sang khat, Kenya gam a primary sang khat, le Democratic Republic of Congo gam mah a media center lian khat a dingin ahi hi. Phal takin na piakna hangin lungdam mah mah hi.

Ih sumpite pen leitung khempeuh ah Pasion' Kammal kizelh nading letsong ahihna leh i Sabbath 13na Sumpi a khen li a


khen khat pen East-Central Africa Division sunga nasepna nga huh nading ahihna mi khempeuh phawksak un. Tua nasepna dingte pen laimai 3-na le a nunglam pua-ah kigelh hi.

Sabbath 13na sumpi in leitung munte a dingin: Kha Siangtho letsong ngah nading tupna (goal) lakna khat in leitung khempeuh nasepna tungah lunglut na ong pia ding a, kal sim sumpi zong ong khangsak ding hi.

Na class uh a dingin kal sim sumpi ngah nading tupna (goal) khat khensat un. Tua pen 14 tawh liah un, tua hileh Gam kha 27 ni-a kilakhawm ding Sabbath sawm-leh-thum ni sumpi a dingin a liah nih (double goal) na ngah ding uh hi. Naupangte kiangah amau' kal sim sumpite in leitung khempeuh pawlpi nasepna a huh ahihna, leh tua sumpi a khen li a khen khat pen East-Central Africa Division sung a nasepna dingte ah tang pai ding ahihna phawksak un.

Nung Sababth a i kizaksaksa om bangin tu Sababth in quarter cin Sabbath ahih bangmahin sumpi khiat ngei a zah thum khiat dingin Jesuh min tawh i kihanthawn hi.





EAST-CENTRAL AFRICA DIVISION				
UNIONS	CHURCHES	COMPANIES	MEMBERSHIP	POPULATION
Burundi	543	501	217,805	13,185,000
East Congo	354	460	145,063	14,654,938
East Kenya	3,902	2,086	625,868	52,569,007
Eastern Ethiopia	650	565	124,422	113,697,931
North East Congo	1,291	943	266,092	37,694,100
Northern Tanzania	2,981	1,586	716,082	37,120,942
Rwanda	1,947	617	1,099,043	14,095,000
South Sudan	122	227	72,950	11,089,000
Southern Tanzania	1,472	1,188	233,273	30,317,058
Uganda	1,919	2,743	493,060	48,582,000
West Congo	693	536	368,969	49,913,962
West Kenya	3,902	1,824	543,886	20,674,993
Western Ethiopia	470	183	121,899	14,002,069
Attached Fields				
Entrea Mission Field	3	12	526	3,749,000
Sudan Field	6	4	1,051	50,449,000
Totals	19,855	13,425	5,089,989	511,755,000

PROJECTS

- 1** Mega media center with Hope Channel, Adventist World Radio, social media evangelistic center, and call center, Kinshasa, Democratic Republic of Congo
- 2** Nursing School, Adventist University of Luanga, Lubero, Democratic Republic of Congo
- 3** Buganda Dispensary, Buganda, Burundi
- 4** Merisho Advent Community Nursery School, Ongata Rongai, Kenya
- 5** Zanzibar Seventh-day Adventist Dispensary, Zanzibar, Tanzania



khangno & khangham
nasepna



**Pasian Tungpan
Letsong**